

衆香詞

書集

大東
書局
印行

書集題辭

雲隊

然幽閣迦陵秘沉硯匣深宮琅笈珍護行笥故索隱于大家
潭府者爲難而博徵于記室空門以兼少也鴛鴦社不假食
于鷓鴣燕子樓直比貞于黃鵠雪兒琴客令賡麗詞紅線青
衣俾通經史寧僅以色見稱而歌舞擅長已哉至若托身松
院香清柏子梅花解脫竹林悟徹蘭心蕙性則夢滅紅塵情
消白業之逸調也而采蘭贈芍濮上桑中不妨並採矣

...

...

...

...

...

...

書集題辭

雲隊

樂天艷冶曾喚楊枝獻之風流舊名桃葉今媚生恰眼兒媚
也須拚一顧傾城知倩奴或念奴嬌耶似可三生訂石美人
選夢只在巫山一段雲邊棄婦咳蘭自惜孤鸞淒涼犯裏問
梅影菴中主可羨鴛鴦樓上之人讀晚妝閣下詞宛若薜荔
軒邊之句韶華已往思慕猶深筆生五彩琳瑯淚濕五銖衣
袖

此為尺書詩集卷之四

衆香詞書集 族里雲隊

新貴江 閨辰六 江都閔長虹在東

定

平陽亢宗瑗麟聲 候官張 遠超然

柳 是 字如是嘉興人 鴛鴦樓集

張麗人 字二喬南海人 蓮鬚閣集

顧 媚 字媚生上元人 柳花閣稿

徐淑秀 自號昭陽遣子 一葉落詞

邵 竺 字澹庵泰州人 薜蘿軒集

郝湘娥 字未考保定人

秦 曇 字曇筠無錫人 友梅齋剩稿

尼靜照 字月士宛平人 舊宮詞

陳 元 字圓圓武進人 舞餘詞

齊景雲 字 北平人

全潔

字瑜素江陰人
蓉亭詞

王曇影

字文媚蘭谿人
綺窗逸韻

葛嫩

字藥芳上元人
蕉貞咏

童觀觀

字未考漢陽人

董白

字小宛江寧人
梅影庵詞

宋蕙湘

字上元人

晁四娘

字河內人

沈宛

字御蟬烏程人
選夢詞

王微

字修微江都人
浮山亭集

陳翡翠

字碧梧吳縣人

寇湄

字白門上元人

周姍姍

字小姍武進人
蘭咳集

楊琇

字倩玉仁和人
遠山樓集

戴陵濤

字文淑江都人

楊毓貞

字韞秀青田人

成岫

字雲友錢塘人

周瓊

字羽步吳江人

吳芳華

字彥因錢塘人

王蓀

字若蘭宛丘人

蔡婉羅

字仙季太倉人

周蕉

字綠天仁和人

吳娟

字麋仙江寧人

葉文

字素南吳江人

李淑媛

字玉峰朝鮮人

張粲

字疎影上元人

吳湘

字若耶江都人

吉珠

字夜光平陽人
萍浮詞

吳瑗

字文清無錫人
囑囑集

徐簡

字文漪嘉興人
香夢居集

自開道人

字一揆錢塘人
茗柯詞

吳皎臨

字玉樹常熟人
團扇詞

葉辰

字龍姝吳縣人
倚竹吟

尼超琛

字玉如嘉興人

何月兒

字瑤宮山陽人

王素音

字無考長沙人

張阿錢

字曼殊河間人
留視吟

陸幽光

字娥壑長洲人

陸羽嬉

字酌泉泰州人
小雲集

王琛

字洛珍上元人
聽香閣集

東

衛

字珮君武進人
栖芬館詞

李端生

字五絲真寧人

蔡

翥

字雛文吳縣人

衆香詞書集 雲隊

遼海劉廷璣在園

玉峯徐樹敏師魯

深陽狄 億向濤

選

同閱

金閨錢 岳十青

襄平張景蔚借亭

武塘柯 煜南陔

柳 是

字如是嘉興人垂髫時穎慧絕倫初爲雲間陳大樽賞識序其詞問世後游西湖聞虞山錢牧齋宗伯舟泊六橋遂易巾服如諸生改名楊隱投刺驚才絕艷議論

風生虞山見而異之得汪然明言其詳虞山百計納爲小星稱河東夫人迨鼎遷虞山屢遭患難得河東遇全不死偕隱拂水山莊數年後虞山謝世爲族子所逼河東倚棺悲悼絕粒旬餘投環殉節遺有我聞堂鴛鴦樓詞

夢江南

人何在人在木蘭舟總見客時常獨語更無知處在梳頭天艷

更風流

前調

人何在人在畫眉簾鸚鵡夢回青顰尾篆烟輕壓綠螺尖紅玉
自纖纖

前調

人去也人在鷺鷥洲萼萼結爲翡翠恨柳絲飛上鈿簪愁羅幙
早驚秋

前調

人去也人去夢偏多憶昔見時多不語而今偷悔更生疎雲鬢
懶粧梳

垂楊碧

空回首筠管榴箋依舊裂却紫簫愁最陡顛倒鸞釵久 羨殺
枝頭荳蔻悶殺風前楊柳一夜金溝催葉走細腰空自守

踏莎行

寄書

花痕月片愁頭恨尾臨書已是無多淚寫成忽被巧風吹巧風

吹碎人兒意 半簾燈焰還如夢裏消魂照箇人來矣開時須
索十分思緣他小夢難尋你

張麗人

番禺黎忠愍公誌其墓曰麗人姓張母吳倡也以能
歌轉買入粵生麗人體瑩潔性巧慧小卽能記歌曲

尤好詩詞每長吟唐人銅雀春深句因自名二喬喜作吳
粧調笑作吳儂語弄鏡問影嫵然不自持也是以粵三城
多豪華子弟以三斛珠挑之復百計買其心堅不爲動於
時文酒之會麗人必在脫珥佐觴張燈拂席三城詞壇遂
爲名花之叢媚珠之淵亦能爲小詞善觴政雖一花半茗
清歡無疲雅善鼓琴往往在人靜夜長听然而弄好賽博呼
賭輒盡輸其金釵珠璫未嘗肯稍負責於人然亦未嘗以
小頓肯易心向金夫也麗人可謂加人一等矣予學道人
也每社事相期呵筆捧硯不能不悲其爲意今年元宵在
都門於諸公席間聞麗人死爭相與爲詩弔之比歸晤黃
子逢永談麗人死事甚奇蓋時在新秋麗人隨諸優於村
墟賽神爲戲宿於所謂水二王廟者夜夢王刻期聘之爲
妃醒以語其母泣然悲嘆或歌或吟皆昔人淋鈴比紅諸
句果以其時小疾而逝嗟乎予往知麗人故不屈於勢者
王何縣致之豈甄后凌波乃符銅雀之讖耶若夫粉黛何
假美人何真艷色等空春花易謝後之過者知爲麗人埋
香處明月爲鏡清風引簫好鳥和歌蛺蝶日舞徬徨思之
亦可以知生死之無常或有聞唱不因柳毅傳書恍然而
悟者乎友人彭子故於麗人最歡因捐資與其母爲營斯
地以某月日吉葬焉在三城之北去花田百里蓋庶幾吳

眞娘墓云屬予爲誌以告後人是不可以無銘銘曰艷如火水之妃是耶非耶噫嘻嗟摩麗人之不朽者乃在於斯
見蓮鬢閣集

減字木蘭花

盈盈淚眼往日青樓天樣遠秋月春花輪與尋常姊妹家水
村山驛日暮行雲無氣力錦字偷裁立盡西風雁不來

青玉案

元宵步月

良宵佳節東風緊零落燈花垂燼何處酣歌聲隱隱幾隊雲
遨踏歌人去月冷街坊靜春歸漸到梅花信二十四番風始競
一春烟火一春簫鼓總是催花陣

千秋歲引

春游

蹋鞠場前笙歌隊裏是處風光任君取金樽送人不忍去高樓
漫繫青驄尾景無邊情無畔恨無底人共留春春不許我試
問春春不語過却清明尚餘幾堤邊柳垂千萬縷新鶯欲倩風

呼起綠蘿烟青麥浪梨花雨

顧

媚

字眉生上元人莊妍靚雅風度超羣弓彎纖小腰支輕亞通文史善畫蘭家有眉樓綺窗繡簾牙籤玉軸

瑤琴錦瑟寶鼎博山羅列左右人以迷樓稱之是時江南
後靡文酒之宴紅粧與烏巾紫裘相間坐無眉娘不樂而
尤艷顧家厨食品差擬郇公李太尉設筵眉樓無虛日未
幾歸合肥龔尚書芝麓尚書雄豪蓋代視金玉如泥沙得
眉娘佐之益輕財好客憐才下士名譽盛於往時客有求
尚書詩文及乞畫蘭者畫款所書橫波夫人是也丁酉歲
尚書挈橫波重過金陵寓市隱園中林堂值夫人生辰張
燈開宴請召賓客數十輩命老梨園郭長春等演劇酒客
丁繼之張燕筑及二王郎串王母瑤池宴夫人垂珠簾召
舊日同居南曲呼姊妹行者與燕時尚書門人楚嚴某赴
浙監司任逗遛居樽下褰簾長跪捧卮稱賤子上壽坐者
皆離席伏夫人欣然爲罄三爵尚書意甚得也吳園次鄧
孝威余曼翁作長歌紀其事嗣後還京師以病死歛時現
老僧相弔者車數百乘備極哀榮改姓徐氏百計祈嗣而
卒無子尚書有白門柳傳奇行于世

花深深

閨怨

花飄零簾前暮雨風聲聲風聲聲不知儂恨強要儂聽
粧臺獨坐傷離情愁客夜夜羞銀燈羞銀燈腰肢瘦損影亦伶仃

虞美人 答遠山李夫人寄夢

春明一別魚書悄。紅淚霑襟小。却憐好夢渡江來。正是離人無那倚粧臺。朱欄碧樹江南路。心事都如霧。幾時載月向秦淮。收拾詩囊畫軸。稱心懷。

千秋歲

送遠山李夫人南歸

幾般離索。只有今番惡。塞柳淒宮槐落月。明芳草。路人去。真珠閣。問何日。衣香釵影。同綃幕。曾尋寒食約。每共花前酌。事已休。情如昨。半船紅燭。冷一棹。青山泊。憑任取。長安裘馬。爭輕薄。

徐淑秀

自號昭陽遺子。前朝南渡時。宮人也。甲申後。流落金臺。劉學士肇國見其詩詞。惜之用餅金贖回。以贈武

人邵某。歸而棲江南泰州之沈村。爲詩多抑鬱哀憤之音。有昭陽遺子聽漁歌。兩樂波濤我爲何。又入畫無人知。是我倚欄看蝶認。爲花之句。所著一葉落詞。

漁歌子

秋夜

露滴花寒入夜深。多情明月向愁人。燈隱隱漏沉沉。續鐘聲。